

太上靈寶淨明洞神上品經卷上

无上始青篇第一

太極无上大羅始青中有真人不死不生天中之尊是名三清玉清宮中元始天尊上清宮中靈寶天尊太清宮中道德天尊是為三

景各有真人為之典丞左右丞相玉童玉女典經典吏掌籍學士釋文謄籍法官御史中丞總領宇宙主宰之君是為玉皇承三清之命察紫微之庭侍衛之官承受三清紫微之庭樞紐百靈小事專掌大事中呈玉皇之宮以定章程執事之臣上應三清外有加真一。一有名南北二斗生殺之君左右太微右少微君玄都主判天樞紀綱七十四司喉舌之官都錄錄事糾察善良名曰會府尚書五部太微少微玄都宰主是為三省是為六曹行壇判官亦如前數知其名位可以覺悟修吾道者可應負數參侍玉宸三五飛步

天官列次篇第二

大道統御森列天官天官之星朝迎帝鄉修吾道者上達玉皇名位若此趨俗離常或以

文品或以武官左右朝列金佩珠璫奉玉帝之與侍紫微之傍或以官署諸天丞相左日右月之曹屬二十八宿之祿官皆名真人得步流綱黃白黑道必識其機知吾道者可平步雲飛何名金公何名木妻修真鍊炁以得

玄微倬倬孝弟忠義不虧雖无大藥亦可以悟法名列巍巍或行符呪水給藥度危是為下品皆未若吾以孝弟而服炁事雙親養一身不尸解即起真此孝道服鍊所以列次於天人天人非難人自難之為仙之非難則不危其身不忤其親所以善濟於人不治身不事親是曰貧而欲黃金天官列次不易書名不難書名不難不易至道之精若夫朝禮求神此未易明而皆出於鍊形

入道真品篇第三

人之初生父母遺體知其所養知其所貴知其所事父母之身天尊之身能事父母天尊降靈欲拜星辰友恭弟兄兄弟之身諸天真人凡知此者可以燒丹篆符百鬼畏名不能此者未可入道以奉三清夜又食其肉魔刹

戮其神雖有丹書萬卷未可以昇真符篆萬箇未可以役鬼神百魔萬怪一切妖精皆笑而欲吞噬之及其死也鄴都考戮百斷千刑刑之又刑安有魂神南宮上仙惡聞其名掩鼻塞耳切齒不聽唯知忠孝可以學道道甚

易知不為難也悔悟學道是為上善不孝為孝可全至孝至孝非難過而即改前日犯親不敢再犯今日之後誓以不犯如此則上帝造真人降於世授之真訣修身濟物積行以為仙不悟此則是无筏而欲濟永劫輪轉沈於下鬼者也

入道修己篇第四

夫道甚美未嘗不易迷於向背遂隔流網爰有入道之序茲為棄俗之門固有父母同外夫妻同列愛身行孝惟以為忠本自性根固於山岳凡夫搖蕩遂此顛危輕於養炁昧於事親元炁淪亡大恩泯絕又安能事於君上而自棄於帝衷所以罪積如江河冥官考覈者也凡我赤子願聽我言我如欺君使我雙目盲兩耳聾鼻塞口喑手足不仁不履帝庭

不上昇雲億千萬世都考形但願我赤子  
孝順長在心居家奉父母在朝忠於君不為  
貪淫行泄散精神福來如流泉派派自然  
明日夜念此經魂恁自然靈或有骨肉疾病  
者自然平或薦諸魂滯魄脫幽冥念念天  
尊力天尊度世人世人昧生理五逆存於心  
心既存五逆天尊沒如傾天尊非棄汝汝可  
察我誠

### 修己奉教篇第五

糾察三界五岳三官日遊神君十天魔王總  
簿罪福天樞都錄佐有七人統七十四頁之  
曹屬无大不載无細不遺三元三會申呈南  
北之司南北定其輕重以上紫微其小者送  
于二十八宿十二官辰三十二天同為別明  
大則玉皇專達或處斷于三清如鏡之明如  
水之平修吾道者持戒而成既以事親為骨  
髓鍊形為皮肉救度如毛髮功德為衣服如  
有貪財貪色陰險巨毒推而下之心貪食肉  
他人之財如君王之粟汝不可私蓄他人之  
妻女如己之母汝不可淫欲他人之善汝

敬事而不可恡毒卡至百獸與夫六畜各念  
之如子忍食其肉是以我願學仙真童十善  
具足全益五福生為陸地仙死入黃金屋不  
食煙火不食五穀魂在朱陵受煉停著履茲  
玉虛神仙為屬

### 奉教修真篇第六

學道有昇昇仙有梯必知秘訣方達玄微身  
乃无所愧心則无所疑无為寂寞夜冥靜思  
五臟神君一一騰飛上造天樞會要之司過  
既无有功亦可知晝服日精夜餐月液魂魄  
澄鍊自然有益飛神三五上朝天極自然名  
達天魁南北之君以子之名以子之身引見  
于宸庭天門不敢逆天樞百僚迎以此上蒙  
巨福而後下積元功書符召雨叱咤雲風生  
則遙授真職死則正入仙宗不墜惡道不係  
幽司身為上天真宰管勾下界攸司上光九  
祖亦登天倪下廢九孫皆有仙資不受凍餒  
自然福隨无以吾言秘不使人知教我赤子  
各改是以去非念誦此經以上身真或為國  
王帝主上消兵戈或為父母兄弟親屬預種

### 昇真識神篇第七

宿緣或為死者以度尸形皆得如意以從爾  
心爾心不退可以學道學道之子謹奉吾教  
學道昇真乘雲飛昇天書來降仙官奉迎仙  
官為誰諸位真人雙龍御車力士捧節前呵  
後衛大力天丁玉童玉女執綬執印銀瑤小  
臣口傳帝命於此无悻於此无驚自然魂魄  
受鍊朱陵朱陵大將流金火鈴入天之界天  
有四門東華之門門管之司中有主宰日直  
元君中有主判錄事尊神中有主關金剛力  
士三位真仙問子名字考汝罪犯第汝功績  
不謬不錯子方可入錄事二人引子上昇南  
斗北斗各有真君錄事既退真君奉迎次第  
奏達紫微之庭於此之時仙道已成稽首大  
羅元始玉清昊天玉皇三景天尊不可以見  
唯觀祥雲玉童傳粉彷彿可聽賜汝丹藥金  
珮珠纓汝如得之禮拜舞拜自有真仙教汝  
朝見此經真妙故說其略心宜存思慎无乖  
錯念念真經神官賜藥上受天爵

### 行淺屍解篇第八

末學道淺屍解昇仙於未死時必有善緣塵劫已盡東岳落籍西岳落名杜令神君中有二使追引魂神汝於此時長記汝因既見冥官冥關之庭中有刑獄可畏可驚汝无畏懼直述汝情道其緣由无隱實誠惡薄无姓善

簿有名中有東極救苦真人問汝好辭歡喜而迎同上玉輿輜輶四輪左右之神一如昇真當識其姓當識其名送汝神魂受鍊朱陵次第階列逍遙上昇登天之門入紫微庭或有丹藥或有真經玉童傳詔一似飛昇汝之骸骨塊然遺形如蛇蟬之蛻臭腐而馨曰子曰孫葬以盡誠蓋遺思愛未易離人習氣尚爾時歸一臨子孫啼哭不見子形子於此時未能忘情當以塵寰是念不入幽冥不受埃塵割情捨愛立汝道基爾子爾孫或得賴之仙超蒙塵亦昇仙梯仙梯在目而人不知

列班昇籍篇第九

屍解雲昇同道異路皆曰超凡名書真簿或有在生遙授或因死後超注遙授而不超注者有矣未有超注而无遙授者也有在天樞

吏職有在天樞鋪陳各有入等出无上始青中有所載中有所名上品以孝中品鍊形下品救度皆出世塵元網流演自然列班昇籍記名簡而不繁左右二司太妙禁壇中有近禁紫微青壇中有要地金闕赤壇三清侍臣

左右之丞三十二天亦有上相為有寰局文武之官文武之勳大使徵使使名雜使真人統軍六職十二上帝加恩各有秘字以少為貴其言不華切當爾心不能疵瑕雲車雲馬三清之家如玉就琢如金去鑛可以陶成器類不就毀斥者也諸名上八仙位之列文武有籍自然分別太上簡易不必紙墨念念真經心不生惑魂神既熟自然有得

列班入等篇第十

人有先後上學通真中學積行下學著功或為九宮清職或作下位吏負補任以力名在諸軍三天河源六府吏兵不論強劣男子女人念念隨緣得此勝因玉童光顯上等女人其在下者亦作女兵有自然靈有自然靈善因學起學以戒成初修戒慎无為力役習此

文藝積其諸德在生所學死後之力雲路列班幽冥授職各遂其長自然无惑其上有善不能而能不識而識不知而十善之力是以或虛淡然自養名在散官上帝符下委事看詳或列禁近或作冗官或為玉童晨極帝

房或為典者奔走殿廊有力士甲盾生光上將軍位統兵作行或作將軍主學或作卒伍之鄉八九福地六六洞天河海山岳皆有其名隨功而受毫髮无私天樞典籍都錄主事稽考出入百事不違

成道志學篇第十一

成道之人亦當志學不私不曲不犯邪欲有一念之冥官考戮天憲神機本自幽微堅固其形无蕩无遺保其長命不墮塵世塵世之人帝王之身百傳貴戚以及農人凡在下界亦各有因隨業以受或貴或貧或賤或富不出于心諸天之神亦即世人世人學道即為天神天神失學復責世塵學以不墮守戒能循五十萬劫天蓬尊神二十四劫真武將軍一千萬劫救苦真人一十五劫日直元君此

非化身世之上人死而為神仙而上昇天官  
記姓地官錄名水官記功天樞都府錄其官  
爵有功無過經劫不落三元考第名在異等  
玉皇之命高其德行如此大仙多不可記畧  
舉一二以迷吾意凡我後學志學无替天中  
有文天中有籍可以與功可以贖罪幸有鑑  
基母或自棄餓鬼畜生各非其異類亦各本  
人罪犯而致地獄天獄不可輕視

天道秘書篇第十二

凡學上仙必知所止天中隱名天中隱字太  
上三清空同赤耳玉皇紫微致遠仲智南北  
二斗三台所託子辛子寅庚戊子壬子癸之  
神孟叔孟良仲實仲卿李壬李乾是乃二庭  
三台之中雲育齊景奉良請乞四聖神君太  
陽太陰日月尊星其名聒胸五行之神是亦  
別稱水星名行火星名熒木星名苗金星名  
堅土星名鎮重領諸權二十八宿三十二天  
恭華搖伯楊瑄倘玄日局紫臺阿那洞玄曹  
法長駕職後袞騰砂劫那醜回負陽遭此其  
隱名字載度人諸宗立鞠傳統魁輪喬資美

禁首善特靈岳什寶駕逢慮注廷稗捧德淑  
此其經星五星緯列有其化身天樞之主是  
謂道陵該括地象皆主首五岳四嶺皆有  
其機其列靈書念之消災百鬼所畏沙河人  
名不出其紀

靈書上品篇第十三

但他蘇伽俱知瑟尼勃地鞞弊安合囉婆迦  
喃盧雞波那羯唎陀彌底提離瑟勃被悉多  
毗地奴抄訶帝野拏盤遮三暮般刺悉泥毗  
俱茶輸西那曳都賢聖揚岐羅囉比計叱  
陀你利般唎耶憐竟空穢囉都囉盧遮瞻婆  
那它麼稅稅多因迦毗刺那弊遮摩地有遮  
波利那囉補雅視多拏虎針嚙雍波瑟悉地  
騰崩伽梵阿弊跋夜茶余闍夜擔訖連彌洋  
吒弊又演吉合曳乾曳乾質閉隸藥又烏什  
伐羅輪藍質多地栗刺叱瑟質夜那夜波沙  
提甕莎尼彭那俱只他嚙呼嗚嗚句底那羅  
刀底刺那雲風居那合蘇嚙那曇迦青那彌  
嚙合耶青莫嚙拏伴居訶耶悉但賴著彌唎  
婆訶

靈書下品篇第十四

執摩享彭踰揭瑟被刺飄藍叱緒停囉覓搗  
鉗罽粹蒿埋呢辦樺詛磣天刺蠢蠕蛟蟻泉  
塊胤缺累鑽陷涎覆殺濫攪忤惘鶴鐵搗戮  
促撓塌慈餒稍潰士魁怒磳魔盞痕誣彈熠

拒紐灣婆綴乘岐妓霰橈驅邪割暴忿坦甕  
涎靴揖罽誅吐但咩嚙密羅婆訶唎尸盧尾  
引摩但他刀喇本規魁鬼款呵飄籠稍那謹  
謹沙那銅蛇場那風輪火車帝居但訶風火  
交加梵賢微銷九梁橫鼻拏厄泄誅靴詒該  
訶罽奸咩嚙只知那但喇拏加三杰陀羅帝  
利陀闍雲目帝那吠伽婆帝賢婆伽多只岐  
囉搗毗只知他賢帝夷帝羅又底南喝喝利  
娑難利女訶風輪火車

靈書釋梵篇第十五

太上混沌中有神仙神仙之中諸位大仙森  
羅列宿四象周負本在人世修習真詮赫然  
成功忽爾飛騰天帝命官賜之几筵上帝賜  
名靈書隱玄靈書之紀仙之主司但他蘇伽  
是為其先念之一篇解釋惡緣聞汝呼召一

時至前或乃雲衣彷彿或即玉佩鏗然或有道士或有官負或作力士或作虎賁護爾念經經義甚玄玄之又玄閉目靜思三十二天昇真識神魂魄既熟自然入局我有寶圖後有寶錄有能行此自然道足鍊形之方修真之術救人之藥教人之福本乎孝弟以至輔翼天中之光天中之精天中之丹天中之英行此而後汝可得之誦之萬遍身在南宮名聞上帝乘風馭空儵然往來或西或東有諸後學願聽而從

圖書可入篇第十六

諸學仙童必知凝神凝神謂何變化身形可以鍊養自然身真身真謂何必乃識神何以識神得我寶圖元炁之本流演之綱昇仙之藥昇仙之方得之云何何為之因何為之因孝弟六親能孝弟者可行吾書吾書非常上帝之符帶符步圖忽然乘虛日月之華五星之精合而為丹以養汝形日月之鏡五星之鋒鑄而為劍以保汝身身形既固以安性命復有靈符可以辟鬼鬼邪不侵道已成矣用

救下民用超生死天中之官天中之職天中之衣天中之食耳有仙藥自有仙花道遙上天三清之家中有定官中有近臣天中之尊天中之神天中之職得而列名諸學仙童无敗吾教謹而行之修吾至道如有善人學以質心盟書黃金祝於神明无妄付人

妙有寶圖篇第十七

何為寶圖昇真機關背南面北存作星壇壇高為何九尺有二日月左右二斗前後華蓋在上復有朱雀白虎青龍玄武同一乾坤良巽列位无差存神馭炁指彼卯文身衣法服如所度錄直詣人門丁罡而入丁罡三步外一級壇自壇左行念吾神呪直向地户復亦左行念吾神呪直入天門入天之門如有仙人仙人二人玉童玉女侍香傳言以度於汝長跪閉目若有神人乘五色雲服衣上清傳玉帝符呼子之名復有一人執彼瑤爵瑤爵之中有玉霞漿北斗之中有一黑炁南斗之中有一赤炁日月之中有彼紅炁有彼白炁華蓋之中有五色炁流入杯中汝能受之再

拜而飲放訣下壇右旋而出出念吾呪自然有益庚申甲子三元三會動而行之則元網流演之括秘也

太上靈寶淨明洞神上品經卷上